

何海鳴撰

奇童縱囚記

中華書局印行



告 廣 局 書 華 中

版 出 新 最 | 家 名 美 歐 | 譯 鵑 瘦 周

一精
冊裝
定價
二元
五角

刊 叢 說 小 篇 短

三並
冊裝
定價
一元

本。書。選。譯。歐。美。名。家。短。篇。小。說。共。五。十。篇。凡。四。十。七。家。都。十。四。國。篇。首。均。有。小。傳。并。附。小。影。內。容。各。體。俱。備。譯。筆。亦。精。潔。顯。明。雅。俗。共。賞。

界 說 小 新 華 中

箱 木 式 雅 贈 奉 元 五 收 祇 購 全 集 六 出 現

本。集。內。容。優。美。宗。旨。純。正。趣。味。醜。郁。情。節。奇。詭。凡。言。情。社。會。神。怪。傳。奇。義。勇。偵。探。各。類。咸。備。每。集。中。除。長。篇。小。說。外。并。有。短。篇。一。二。冊。足。增。興。趣。共。三。十。七。種。

集 六 第	集 五 第	集 四 第	集 三 第	集 二 第	集 一 第
偵 紅 華 酒 寶 探 顏 心 花 惡 之 知 愁 石 惡	特 火 驚 奪 甫 中 婚 產 偵 探 案	絕 亦 登 偵 探 案 三 集 兒 續 編 伊 奇 乃 續 編 伊 奇	鮑 亦 登 偵 探 案 二 集 鴛 鴦 小 兒 印 黎 之 劇 盜 印 兒	鮑 亦 登 偵 探 案 死 金 香 黨 諧 傳 奇 傳 奇	風 俗 開 評 會 梅 沐 別 雪 義 探 小 破 崙 別 記 義 勇 千 拿 破 崙 別 諾 言 情 青 金 仇 偵 探 深
一 三 一 一 一 冊 冊 冊 冊 冊	一 三 一 一 冊 冊 冊 冊	一 二 二 一 冊 冊 冊 冊	一 一 一 一 冊 冊 冊 冊	一 二 一 二 冊 冊 冊 冊	一 二 一 一 二 冊 冊 冊 冊 冊
一 一 二 二 一 角 角 角 角 角 半 半 半 半 半	二 一 一 三 角 元 角 半	四 五 五 四 角 角 角 角	五 三 一 五 三 角 角 半 角 半	二 五 二 六 角 半 角 半 角 半	二 四 二 二 六 角 半 角 半 角 半

奇童縱囚記

第一章

晚秋時節風雨昏黃街頭賣花生糖菓之人忽忽歸其家顧尙呼糖菓之聲不絕冀有最後之主顧未幾入一僻巷其地至污濁殆爲貧人之巢穴數間茅屋東倒西歪其中悉寓貧人此賣糖菓者至此遂停止其糖菓之聲直叩一陋室之門門應聲闢一中年婦人著粗布衣形容憔悴面有憂色立門內以手指室中曰阿珠病矣賣糖菓者微應之而呻亟自頸際卸其糖菓之盒置之桌上回首囑婦人速閉其門已卽疾趨入內室婦人隨之尙聞彼微呼曰阿珠……吾寶父來視爾矣爾何苦耶。



賣糖菓者何姓宗德其名妻文氏結褵一年卽產一女卽所謂阿珠者。是今年七歲矣頗聰穎得父母歡宗德小本營生終日辛苦其婦亦勤於操作日無片刻暇顧此貧苦之家庭乃極有樂趣良以有阿珠在也。中國俗諺恆謂母惟愛子父則喜女而宗德之愛阿珠尤勝於尋常。每日賣糖菓歸則抱阿珠於懷或以糖菓飼之並挑之笑阿珠若樂則宗德心大慰其狀乃大類阿珠之嚼糖菓其味甜也而終日之辛苦已早忘諸九霄以外故此室雖陋乃未嘗有悲慘之氣今日自外亟亟返良以心有所動如有重憂故尤注念阿珠其實宗德在外固無一日忘阿珠不過今日較有異耳及入門聞妻言阿珠病心頭小鹿乃大跳耳際嗚嗚嗚其聲恍似糖菓盒之碰裂身不能自

持向內室疾行於是此從來和暖生春之陋室今日乃有陰沉悲慘之氣隨宗德之足趾以俱入矣

小室中設板牀一方桌一各式之椅及橙凡四桌設窗側窗之大直與婦人粧盒之鏡爲伯仲行以黃白新舊之紙夾雜糊之蓋新紙白而舊紙則黃也窗之對面則爲板牀破窗而入之陽光乃照見牀上一可愛之女孩似天心亦知阿珠之可愛乃臨窗一視也宗德入阿珠見之卽自破絮中躍起張手呼爸爸宗德就牀側坐擁阿珠於懷以口親其額者再並以手摩撫其額際之短髮呼之曰吾寶曰吾心肝並詢阿珠何苦欲糖菓食否阿珠以手攀父頸對父微笑雙頰稍帶紅色病似匪巨乃縱聲謂父曰爸爸歸且抱我坐兒無苦矣雖然

爸爸胡日日出者終日在家抱兒以嬉寧不可耶宗德曰兒何知父之出也亦自有故然則我得暇必伴兒一日且言且撫其額覺微熱卽呼其妻曰阿珠果病額患熱也是宜稍服藥阿珠聞欲服藥乃大驚懼亟言曰爸爸兒無病勿以此苦人之藥苦兒隨又呼其母曰媽媽勿聽爸爸言其言雖如平時然阿珠乃真病矣其日屏糖菓勿食手心及額角均熱宗德夫婦均侍其側觀其睡爲之終夜不眠翌日阿珠病似稍減向鄰媽乞來之藥服之似有效宗德終日弗出惟抱阿珠阿珠小病良不歡乃向其父要求一事宗德允之問其所欲阿珠曰兒前日隨姆媽至大街購物見洋貨店中陳設一長不盈尺之洋娃著西式衣衣悉白綢所製至鮮潔一幅小面龐披金絲髮



於額際尤可愛。爸爸能攜之歸。以畀兒乎。宗德漫應之。阿珠卽促其出取洋娃歸。

宗德袋銅幣無數。別阿珠出其妻。忽阻之曰。勿爾。小孩子家。豈可縱其欲。彼西洋娃爲值至昂。又豈易得耶。宗德勿聽。惟曰。阿珠病耳。詎忍拂其請。遂匆匆出。至大街。果見一洋貨店。陳此洋娃。卽入肆問價。店夥見其襤褸。且曾覩其賣糖菓。輕視之。微哂曰。此洋娃值洋帛三元也。宗德駭然。以手探袋。摩其銅幣。恨其胡不變爲銀幣。忸怩向店夥曰。數百文可賣乎。店夥怒叱之。宗德怏怏出。然銅幣究不能變作銀圓。此可愛之洋娃。無銀幣。啟其鑰者。亦終不能破玻櫃而出入已。懷抱計。惟有仍返家耳。顧何以對阿珠乎。


宗德歸剛及門。阿珠聞聲。卽大呼曰。姆媽。速開門。爸爸攜得洋娃歸矣。愛我哉。爸爸也可愛哉。洋娃也。宗德聞之心。乃大痛。然不能不入。視阿珠。見父卽詢。洋娃。繼不見。洋娃而徒見父。且見父憂形於面。默無一言。以爲父怒。亦不再作聲。久之。宗德乃慰之曰。今日無錢。未能買洋娃。歸兒待之。明日如何。阿珠曰。明日耶。亦未嘗不可。然兒乃另觸一事。爸爸常言無錢。彼錢究常往何人之門。胡不惠臨吾家。猶可供我爸爸作買洋娃。悅其愛女之資也。宗德曰。兒何知錢。惟日趨多錢者之家。覓其同類耳。言訖。長歎。

又翌日。阿珠又微病。思洋娃。頗切。願知父。乃無錢。不敢再啟齒。惟於睡夢中。信口道之。然此聲。胡可使宗德聞之。聞則心碎矣。宗德自思。

世間貧苦而爲人父母者其苦如此而貧苦人家之兒女其苦又如彼傷哉阿珠彼洋娃有知當自破其櫃飛來此間以悅爾又彼店主。人果有人心而知阿珠思洋娃如是之切者亦當憐阿珠此狀慨然。以此價值三元之洋娃取贈阿珠矣雖然今究如何而後可予仍出外乎予仍至該洋貨店乎或哀店主主人告以阿珠愛此思此且患病矣主人當發慈悲以是物贈我我卽以贈阿珠囊中之錢仍以奉主人予非吝者實因貧苦不能致多金區區之數或足以償主人血本亦未可知主人設此巨肆日贏利當無數又何必定取利於貧苦之人及病中之小女須知阿珠唇紅齒白短髮垂肩雙眸子晶瑩射人足以代表其玲瓏聰秀能使人憐也且思且往彼洋貨店

第二章

洋貨店之主人楊六設茲巨肆年獲利至夥楊六殆視之如萬世不移之盛業傾江倒海之財源日恆獨坐店中半舊之洋式椅上顧盼四壁玻璃櫃中之洋品均燦爛可觀而已身乃如坐寶窟中爲諸寶之主人偶見購者盈門則心大樂知發利市矣顧尙能鎮定以觀店夥之論價防其有誤致賤賣吾物又恐其居中作弊隱其銀錢勿納賬箱之中是日楊六店中乃少主顧楊六蹙然而憂以爲今日之房錢及飯食之資將無從出薄暮宗德突至立門際目注彼櫃中之洋娃顧不敢入楊六見之呼之曰先生繼見其檻樓遽改其稱曰老大宗德未之應楊六又嫌所稱之不洽遂又呼曰大司務以爲此必富家



大。司。務。奉。其。主。人。之。命。來。此。購。洋。貨。也。宗。德。微。應。之。楊。六。神。經。過。敏。乃。又。自。責。稱。呼。之。弗。善。意。殆。謂。大。司。務。僅。買。魚。肉。必。不。來。此。來。人。著。短。服。身。材。頗。壯。大。或。爲。營。中。之。差。官。思。及。差。官。楊。六。忽。有。憂。色。急。強。作。笑。容。起。迎。宗。德。曰。差。官。請。進。差。官。欲。購。何。物。者。宗。德。曰。予。有。小。女。子。思。洋。娃。耳。店。夥。聞。聲。注。視。宗。德。乃。微。笑。曰。彼。賣。糖。菓。者。又。來。矣。洋。娃。之。代。價。大。洋。三。元。攜。來。未。楊。六。聞。宗。德。爲。賣。糖。菓。者。乃。又。知。差。官。稱。呼。之。誤。然。愈。賣。糖。菓。者。亦。能。獲。利。果。以。錢。畀。我。亦。大。佳。遂。又。改。其。稱。曰。老。板。洋。娃。一。具。值。洋。三。元。善。價。也。老。板。須。知。洋。娃。乃。洋。人。所。創。製。洋。人。之。貴。貴。於。官。今。乃。不。憚。操。作。造。一。洋。娃。爲。中。國。小。孩。作。玩。具。此。洋。娃。之。貴。又。可。知。況。洋。娃。之。形。不。作。中。國。裝。乃。著。西。式。之。衣。匪。特。

衣料貴卽彼形象明明爲洋人之子女其品格亦在各種泥人木人
瓷人福祿壽三星八仙五虎將之上老板僅破費三元卽得一具歸
以悅小姑娘將來小姑娘必亦貴同西洋人之洋娃可賀也宗德曰
謹聞命矣又承老先生爲小女祝福貧人至感愧今有冒昧之言敬
問老先生不識此洋娃可否少貶其價乎楊六笑曰予卽此店之主
人一切貨物之購入均由予經手其值多寡予一一誌之於心豈多
索者繼又曰或減去五分作一特別人情亦可語畢德形於色以爲
減價五分是誠特典宗德欲陳其乞哀之詞雙頰頓赤兩足簌簌戰
楊六疑宗德欲去遽止之曰老板勿須問價於他家他家雖亦有洋
娃然不如予店之佳蓋予店乃真正購自洋人之肆者況他家無二

價。求。如。予。店。之。減。價。五。分。猶。不。可。得。我。固。不。妨。任。老。板。之。往。他。家。而。一。比。較。之。也。然。任。之。往。句。下。乃。又。暗。提。宗。德。之。衣。角。弗。少。釋。外。史。氏。曰。楊。六。經。理。此。店。有。年。矣。其。生。財。之。祕。訣。卽。在。善。於。言。辭。能。操。縱。顧。客。尤。知。鄉。下。人。及。性。情。樸。實。之。輩。至。易。籠。絡。使。受。愚。而。多。輸。錢。於。彼。錢。雖。少。積。之。可。成。多。也。

宗。德。被。執。於。楊。六。阻。其。勿。行。其。實。宗。德。亦。何。曾。思。行。者。空。手。而。行。歸。又。何。以。對。阿。珠。乃。哽。咽。告。楊。六。曰。老。先。生。此。間。主。人。耶。楊。六。傲。然。曰。然。老。板。何。言。宗。德。曰。予。今。日。乃。有。福。得。遇。主。人。可。直。以。下。情。請。於。主。人。予。之。幸。也。嗟。乎。主。人。乎。予。愛。予。女。子。必。購。此。洋。娃。顧。予。僅。有。銅。幣。而。無。銀。洋。且。言。且。以。手。摩。挲。袋。內。之。銅。幣。使。作。聲。以。悅。楊。六。之。耳。楊。

六微笑曰。是無傷銅幣。亦可作銀洋算。三凡三三四一千二。是大洋三元之代價。有四千二百文之銅幣。亦足再益以老夫自願減去之大洋五分五凡五五四得二十。再於四千二百文中減去七十文。實扣成四千一百三十文。是卽可以購洋娃去矣。宗德曰。予果有四千一百三十文者。予卽購去。尙何說焉。楊六不待其詞畢。遽以手開玻璃櫃。取洋娃出示。宗德曰。此洋娃寧不值四千一百三十文耶。好朋友其取爾銅幣。出老夫代爾數之。以四千一百三十文爲度。必不多取。多取者。天句意殆。指天不容也。宗德胡敢使此老畢此不祥之辭。遽阻之曰。老先生勿如此。予實自慚。予袋內之銅幣。乃不多也。楊六聞言。悵然繼慨然曰。偶短數十文。老夫亦不較。但爾究有若干。宗德曰。

約一千二三百文耳。楊六搖手曰：相差太遠。老夫詎可折血本以媚爾。言畢憤憤然將取洋娃娃還置櫃中。忽又念賣糖菓者未必三四千文亦無之。必僞爲貧狀，冀以賤值得我物者。又豈可中其計。然亦不可痛拒之。仍須以甘言誘之。爲得遂。又轉抱洋娃娃於手，中和顏告宗德曰：老板既愛小姑娘，小姑娘復愛此洋娃娃。則老板當看小姑娘之面，勿過於吝錢。以足價給老夫。卽今日袋中不足四千一百三十文之數，仍可取諸尊宅錢櫃之內。老夫且允派人隨爾往取也。宗德曰：實告老先生。敝廬尙有餘資者。予早攜來購洋娃娃去矣。爲阿珠故，盡予所有。雖黃金弗惜。豈吝此四千銅幣。嗟夫。老先生乎。予之言乃非僞也。楊六微歎曰：然則事不諧矣。宗德淚下如雨，忽屈其雙膝跪於

地。以。手。牽。楊。六。之。衣。嗚。咽。將。發。言。楊。六。大。駭。而。呻。置。洋。娃。於。椅。上。諸。店。夥。亦。爭。來。看。視。楊。六。曰。此。何。禮。耶。爾。苟。以。錢。與。我。我。跪。爾。前。可。也。茲。爾。乃。跪。我。前。是。何。故。爾。其。速。起。並。速。畢。其。詞。予。不。能。受。爾。重。禮。致。難。以。答。報。且。交。談。已。久。予。尤。不。願。再。談。此。無。益。之。閒。言。爾。有。辭。速。畢。之。店。夥。會。意。卽。牽。宗。德。起。亦。促。其。速。言。勿。跪。地。發。癡。宗。德。如。命。起。立。唏。吁。以。言。曰。予。有。女。名。阿。珠。至。聰。穎。可。愛。楊。六。曰。魔。劫。哉。爾。貧。人。乃。不。生。男。而。生。女。尙。有。何。可。愛。雖。然。誰。願。聞。汝。此。癡。語。宗。德。曰。予。實。愛。予。阿。珠。今。阿。珠。病。思。得。洋。娃。玩。之。楊。六。曰。是。兒。乃。大。不。自。諒。貧。人。有。此。女。是。宜。沉。之。江。否。則。亦。宜。痛。撻。之。不。許。其。作。是。妄。想。宗。德。曰。願。老。先。生。發。仁。慈。之。言。小。人。愛。女。乃。不。忍。聞。此。小。人。惟。自。恨。命。苦。乃。累。及。

小女不能暢其兒童之所歡。茲惟哀求老先生大發慈悲之心。以洋娃贈予。且非贈也。予仍以袋中所有錢獻老先生。其不足者。請限以日期。予於日後奉還。老先生亦有子女。爲令郎及千金小姐。積福或允予之請。楊六笑曰。予乃幸無妄想之兒。尤無累人之小妮子。爾所言。予直視若未聞。予店固明明高懸一賒欠。免言之匾。爾詎不識耶。雖然。爾貧人。又焉識字者。以予計之。爾以速去。爲佳。予僅知以物易錢。未聞以跪與泣。而可易物者。休矣。休矣。使巡警見之。於爾良不便言。訖。囑店夥。逐宗德出。宗德乃放聲而哭。楊六忿忿然退。坐椅上。翹其左足於右膝之上。申申而詈曰。今日大沒趣。遇此窮措大。枉費許多唇舌。氣煞老夫矣。


第三章

宗德爲楊六所斥逐。店夥所訕笑。淚被其面。爲狀至淒慘。剛伸其足。欲去。突來男女各一人。著華服。翩翩年少。似神仙眷屬。男女僕各一。隨之。女僕手中抱一女孩。宗德竊視之。較阿珠似小一二歲。滿身羅綺。當爲彼少年夫婦所出。旋聞少婦呼店夥取西洋緞。少年亦另欲取他物。店夥鞠躬應。楊六在座急翹其左足。使下起身立。客前笑容可掬。敬問少年貴姓。且挑逗女僕所抱之小孩。謂千金小姐具福相。必有慧根。是宜以予店之東西。洋玩具畀之。玩弄隨自。椅上取宗德所欲購之洋娃。強置諸女孩手中。女孩驟覩楊六怪象。不暇視。及洋娃卽縱聲而啼。匿女僕懷中。楊六至悻悻。仍置洋娃椅上。宗德見之。

自念此狀使阿珠見者阿珠亦必泣蓋洋娃雖可愛受之慈父手中始覺親美彼楊六鼠頭獐眼小孩子家見之無不畏者少婦聞女孩啼亟前慰之杏眼微睨又似恨楊六楊六益無措亟趨前謝過少年購物多店夥極忙碌楊六喜極心乃不能自主如中酒門外隨行之車夫憩車道左亦羣集門次竊視宗德此時目未暇他顧仍注彼椅上之洋娃未幾思得一計驟變其面色自咬其齒格格作聲苟楊六及店夥見之必知有異奈此時正伺貴人焉顧宗德宗德遂乘間取袋中之銅幣傾之椅上易洋娃而去行時絕疾洋娃藏衣內無使人見。

未幾少年少婦購物畢雖爲值在數十元然亦迭經磋商在楊六初

答價時之數約減去其半。外史氏曰：以此例之，宗德袋中之錢固可以購此洋娃也。楊六送少年夫婦出門後，爲狀頗樂。偶念及宗德似欲小發慈悲，再與之議，遍視門內外，乃不見。宗德回身視洋娃，亦不歷而走。椅上惟餘銅幣一堆，失聲呼曰：予店失盜矣！可貴之洋娃爲彼賣糖菓者盜去矣。店夥駭然云：是宜報巡警捕此竊賊。楊六曰：惟有此法。惟有此法。趣店夥速去，已則數其椅上宗德所遺之銅幣，約可得二千。亟納之錢箱中，撫額自喜，且靜待巡警之來。巡警至，聞係失竊事，頗焦蹙，以爲將觸怒上峯，嚴問楊六是否確實。爾店貨多得毋誤記。楊六曰：是必無誤記。予店之貨雖多，而此洋娃乃在椅上。巡警曰：此爾之自不小心。楊六急曰：請許予畢其詞。蓋今



日有一賣糖菓者來購是物云欲以媚其女顧攜錢不足遂乘人多之際竊洋娃去至洋娃之在椅上者因論價時老夫取之櫃中以證予貨之非劣也巡警知事已確實非報局不可卽曰如爾言是當報之局以偵探來查勘藉得賊迹或亦可得爾之偽報之據也楊六及店夥均駭然亟辯無僞巡警視之微笑以一手脫其制帽一手探其懷似欲得巾拭其額上之汗蓋巡警勞矣顧懷中乃無巾詢楊六有巾未楊六知旨亟開玻櫃取一雪白之絲巾上之巡警巡警又微笑取絲巾寘之懷中顧不拭汗揚長而去或愛此絲巾之美不忍以汗汚之也

逾時巡警復返警局之科員及偵探同來科員詢楊六失竊狀楊六

應之如前。科員微頷之。偵探探賊迹，乃大忙召店中人一一詢之。賊何衣何形，立何處，詳詢勿遺，並云是當詳記之，以爲捕賊之用。楊六乃又上金邊皮脊之自由日記簿及精小之鉛筆，偵探笑受之，置袋內，另出一破敝之小日記簿記之。蹙其額發言曰：爾輩僅知賊爲賣糖菓者，而不悉賊何姓何名，其寓何處，官中人將何從措手捕賊。科員曰：然則句時楊六驟見科員手中之紙煙垂盡，急以精美之雪茄進科員受之，卽顧偵探曰：是賴偵探之力。楊六及店夥亦同聲贊歎曰：是賴偵探之力。言畢亦以雪茄上偵探。偵探亦喜，微拍其胸曰：是吾事也。惟爾輩亦須時時留心，如見賊者，扭之來局。科員曰：來局則重辦之，並追還爾物。楊六及店夥均作謝辭。科員遂偕偵探去。旣去。

復又迴眸。囑巡警曰：此後見有賣糖菓者，必嚴查之。並偵其居處。楊六曰：予已告諸巡警先生矣。此作賊之賣糖菓者，其身材當在四尺八寸以上，面黃無鬚，著藍布之短襖也。巡警曰：然向科員行舉手禮，聊爲送行之儀。注尋又與楊六別，顧乃忘還其絲巾。楊六且另以刀牌煙一包贈之。

第四章

予書既送彼巡警局之科員偵探巡警各歸其所。後且讓彼輩休息。予將另敘此賣糖菓者之家庭矣。先是宗德由楊六之店馳歸，沿路蹴踏不安，似腦筋中發出一種聲浪。曰：宗德作賊矣。聞之至驚懼。苟有人自迎面來，輒不敢正視，然尙疑彼或知己之作賊。街頭偶有人

呼聲宗德恆誤爲捉賊其行乃愈疾至警崗之旁巡警方有睡意其目微張宗德乃又誤爲巡警之注意視彼大驚而呻呻後巡警亦不覺宗德遂得平安抵其家

何文氏見夫自外歸面青如厲鬼額汗淋淋大喘其氣雙手抱其胸胸際似懷一物何文氏問其何作此狀宗德痴立無語仍大喘不已何文氏乃大惶駭失聲而呼宗德神定圓睜其目曰阿珠何在在其妻曰在室中宗德卽趨入內室至阿珠牀側阿珠微笑曰爸爸歸矣爸爸曾何處去乃倉皇若此宗德曰阿珠父爲爾乃句其意殆謂父乃爲爾作賊繼念作賊詎可以告兒女乃異其辭曰父爲爾辛苦極取得爾所最愛之洋娃歸矣阿珠大喜詢洋娃何在宗德取白衣底阿

珠未暇玩。洋娃遽自被中出。張其雙手。撲宗德。旋墮宗德懷中。喜極而語曰。爸爸予所最愛之爸爸乎。爸爸愛兒極矣。宗德取洋娃。置阿珠手中。阿珠以手弄之。謂此洋娃爲狀至美。呼其母來視。並歷述爸爸愛己之恩。何文氏見此小病之女郎。喜亦喜。蓋天下父母。未有不以兒女之喜樂爲喜樂者。獨宗德良不歡作賊二字。互之胸中。如受刀割。且聞阿珠及妻品評此洋娃。急欲出外避之。以防其妻詢彼洋娃。是否買來者。願避之無計。對於阿珠之歡呼雀躍。尤不能不強作笑容。嗟乎阿珠。爾詎知爾父乃不惜作賊。以博爾一時之歡乎。爾歡固足以慰爾父。然爾父爲爾已犯罪惡。爲社會所棄矣。雖然天下父母之心。固僅有思博兒女之歡。而不恤其他者。哀哀父母。其心苦其



恩深也。

未幾何文氏忽問宗德曰此洋娃爲值當不少爾能告我以數否宗德如中巨彈神經昏亂不知所答作賊作賊之聲似又發於腦際顧不能不答急偏其頭佯視他物口微應曰是買來者繼念其妻並未問彼是買來者抑偷來者卽續其詞曰爲值頗賤不過一千四百文耳何文氏無言宗德乃愈不安自念生平不作誑語今乃欺其愛妻及女是可羞也。

阿珠玩弄洋娃至樂每一念及洋娃之可愛乃斗增其愛父之熱度常呼父來視洋娃作戲宗德見洋娃卽思及作賊之事恆不敢面阿珠阿珠乃不解父之用意然阿珠究幼稚只圖有洋娃可樂乃父之

愁腸萬斷。憂形於色。又何嘗思及哉。

宗德避其女。則獨坐於室外。默默無一言。其妻頗以爲異。顧不敢問。在其妻之心理。初本以宗德破費血汗錢。如許。僅購一洋娃。未免愛女太過。欲以一言責其不當。及見宗德亦怏怏以爲彼。亦事後知痛。不忍再加以煩言。遂自往竈下去。宗德獨坐苦思。斗觸起一事。以爲作賊必無倖理。彼官中人捕賊急。苟店主以失竊報之。官者官將下令捕我。若被捕而去。必受重刑。或加禁錮。使不得與妻女見。並以傷妻女之心。繼又自解。彼店主人不知予何名。及所寓何所。又焉能至此。捕予忽又念警局常出賞格捕人。彼詎不能出賞格耶。思及此。又大惶恐。偶一凝神。卽似見警局牆上貼有一紙。其上卽大書嚴拿竊。

賊。賊。卽。賣。糖。菓。者。賣。糖。菓。者。卽。我。也。苟。市。上。之。人。貪。得。此。賞。錢。恆。注。意。賣。糖。菓。者。以。冀。得。賊。且。兼。得。賞。予。豈。不。亦。受。鄰。人。之。注。意。乎。况。予。卽。賊。也。又。豈。可。使。人。之。注。意。予。哉。是。不。可。不。備。遂。急。鍵。其。門。以。防。鄰。人。之。窺。伺。

何文氏以夕餐進見宗德嚴鍵其門亦頗驚訝以爲時未深夜掩門則可鍵之胡爲然終不能思及其夫之作賊遂呼宗德進餐並詢阿珠食否阿珠得洋娃病已愈並願來共膳其母復抱之至堅欲坐父側宗德食不下咽此不解事之阿珠秉其孝思勸父加餐其母見之頗喜謂此兒至聰穎然宗德乃欲辭不得真大苦矣

是夜宗德睡獨早然苦不得睡熟偶一閉眼卽見彼脅肩諂笑之楊

六向之作。憐笑未幾。又夢許多警吏。汹汹入彼室。捕之去。警官聊問數語。卽命斬之於東市。忽阿珠來視。抱其雙足。呼之曰。爸爸。爸爸。足偶動。已身乃仍在牀上。抱足者亦阿珠。阿珠亦曾呼爸爸。爸爸。惟呼自睡夢中。其聲樂也。

翌日之晨。宗德披衣起。殆欲重理其賣糖菓之生涯。剛載其盒出門。其妻呼之返。謂彼乃未用早膳。胡亟亟如此。宗德旋歸。其歸也。志乃不在。早膳殆見街上人多。恆疑人見有賞格。注意及彼。或直捕之。遂逃回其室。語其妻以病。今日當不外出。妻駭然。詢其何病。宗德不語。惟入室登牀。倒頭而睡。阿珠起。乃亦來問。宗德惟以手撫其額。置阿珠之問。亦弗答。以昨夜失眠。故偶一輾轉。卽睡熟如泥。阿珠微撼之。

勿醒其母。怒阻之。惟聞阿珠微語曰。今日父乃不外出。父醒後。可以陪我玩弄洋娃矣。其母曰。異哉。爾父之病也。是必爾致之。阿珠搖首弗信。謂兒實未忤父。外史氏曰。阿珠雖未忤父。然父之苦。乃甚於爲兒所忤也。

第五章

著者草此章時。已在楊六店失竊半月以後。此半月。中警局捕賊未得偵探。雖日夕旁徨街市。然其所探事。匪一項。此小竊案。漸久。或已忘之。惟彼站崗之巡警。乃時時光臨楊六之肆。其入門也不待楊六先啟齒。轉詢楊六。近日見賊未。其問答之結果。乃彼此均無見巡警。遂恣談他事。口乾則索茶。茶至忽又僞言忘帶煙。至楊六。乃又以紙



捲之煙進巡警得煙大樂允爲楊六宣力必捕賊而後已久之賊不得巡警宣力吸煙乃愈多楊六有吝色然不敢卻之深以爲苦遂決計自往尋賣糖菓者自此東街西巷茶寮酒市乃日有楊六之足跡矣。


宗德當竊物之第二日終日閉門弗出家人以其病均不敢驚之惟俱有憂色第三日宗德晨起念今日抑外出耶抑仍在家在家固可以免禍然家無隔日糧矣再不經營生紀明日必無米爲炊詎不又餓煞阿珠阿珠可憐詎可受餓是我仍宜出也且我之竊洋娃名雖曰竊其實亦貽錢千餘而去志固不在竊彼店主當能見諒予自今仍理生業並事節省一二月之內或尙可儲蓄三四千文屆時再持

往彼店謝前日不告而取之罪並補足其價彼如不可則加以息則事了矣思至此以爲得計遂仍持糖盒出其妻見彼疾已愈心亦稍慰惟囑彼宜早歸耳阿珠亦抱洋娃立門際送之至不見其影而退。

在楊六微服私訪之先宗德賣糖菓於外終未敢冒險過楊六之肆卽彼繁盛之街市亦裹足勿往懼爲人見惟行於僻巷故亦無事其所得羨餘除阿珠偶需用數百十文外宗德不浪用其一且戒其妻節衣縮食謂當儲蓄清一宿債妻亦能耐苦笑應之。

一日距楊六私訪之日已數日矣宗德以事漸久絕未聞人道及凡所觸接之巡警恆未加以猜疑及盤詰乃少少解除其戒嚴之令冀

往游。人甚多之處。多博蠅頭。早了此。清理宿逋之心。願藉以滌其污。點。是日楊六亦出游。偶憩於茶寮中。覩宗德持糖盒趨門而過。楊六恍惚間疑其非。是出門偵之。宗德已去遠。見其後影頗似前日竊物之人。本欲呼之返。藉口買糖。捕之以是間。無巡警在。且恐賊聞呼聲而警覺。後此將斂避。愈不能得賊踪。乃召茶博士詢之。曰。適過此間之賣糖菓者。伊何人。爾能道其姓名乎。茶博士曰。彼名老何。寓爛泥巷九號。伊家有一妻一女。貧人亦勤儉人也。先生問之。奚爲楊六。信口應之。曰。予亦聞人言彼勤儉。顧忘其姓名。故問之耳。茶博士曰。然則先生當周濟彼。楊六曰。然。予當特別。予以周濟。遂匆匆去。楊六返。其肆遽呼人請巡警來。巡警至。與楊六爲禮。冀再有賞賚。詎



楊六厲聲曰。予今日見賊矣。巡警駭曰。見賊耶。胡不拘之。楊六曰。予實未拘之。然偵得賊住址。捕之已良易。巡警乎。是賊已在予手掌。度不能脫。今當煩爾籌捉捕之方矣。巡警曰。予一人力不能捕賊。予將偕爾赴局稟之。長官派多人往。先生乎。賊不易捕也。予前次奮勇捕一賊。賊乃以口咬吾手。今猶有微痛。非得多人。詎可輕易言捕賊哉。楊六曰。如爾言。予隨爾赴局。遂相將行。

警局之局長。午夢方酣。忽聞者報有部屬陳事。事關竊案也。局長不得不醒。雙眼朦朧。出前廳。召來者。巡警遂偕楊六進。局長見楊六作厭棄之狀。曰。爾耶。楊六鞠躬曰。予洋貨店之主人。楊六前者。賊盜我物。今偵得賊之寓處矣。巡警欲邀功。急代續其詞。曰。予乃聞賊寓爛。

泥巷局長曰爾訪得耶巡警面微赤曰然楊六亦不敢爭惟靜待後命。

局長頗知捕賊之道謂是宜加以迅雷遽遣人另呼巡警四名一一均起自午夢中令捉賊均唯唯諾諾其意良不願局長吩咐訖拂袖而入似急尋其好夢去矣楊六等遂行途中楊六諂事各警備至言事後當恭請至小店言謝各警素耳楊六富遂皆大歡喜揚長而往爛泥巷至時已夕陽西下矣。

宗德是日實未見楊六旁晚歸家用晚膳膳尙未熟乃在內室伴阿珠阿珠近頗安健左手持洋娃右手乃執花生之糖笑向其父且細嚼其糖忽聞剝啄聲似有多人蜂擁而進宗德大驚剛欲出詢何人。

而來者已入室首入者爲巡警其次則楊六宗德駭而欲啼楊六見狀大呼曰賊在是予固無日忘爾也巡警卽呼其同類曰速入速入隨有四人應聲入立撲宗德執其耳宗德癡立不動任其所爲毫無抗拒殆同垂死之羊阿珠見多人執其父乃嚎啕大哭棄其糖於地其洋娃則被楊六攫之去指示巡警曰是卽賊賊也

何文氏於竈間聞多人呼捉賊以爲賊入彼室駭極而顫奔入室見宗德爲三四巡警所執愈大駭急牽宗德之袖呼曰老爺捉彼奚爲巡警曰此爾夫耶彼作賊矣宗德曰天平何文氏凝目視宗德哭曰吾夫乃作賊耶阿珠亦上前嚎曰爸爸非賊也爾輩奈何乃呼爸爸爲賊巡警曰勿多言且隨予至警局去言訖卽強拽宗德去宗德兩



行之。淚奪眶而出。惟囑其妻曰。爾照管門戶。復視阿珠曰。阿珠。父去矣。遂隨巡警等大踏步去。絕不回顧。楊六殿後。手抱一洋娃。且行且語曰。盜洋娃之賊。亦有今日。


何文氏見夫被逮。哭聲震天。如送死別。阿珠伏地而泣。且泣且詈。彼楊六謂彼老兒奪吾洋娃。強使人拘吾父去。且誣父爲賊。是當天殺也。鄰人俟警吏去遠。始漸漸來探問消息。其中固有來慰勸者。然揶揄之人亦居大多數。何文氏亦尙在五里霧中。惟答訪問之人以愴恍之辭。略謂丈夫被捕。似有人誣之爲賊。已實未嘗有此也。且其中真相尙不得知。俟後往警局探之。鄰居王先生以賣卜爲業者。乃慷慨仗義。允於明日偕何文氏往警局探消息。何文氏拜謝之。來者亦

旋散去。此一夜中，阿珠與母淒涼萬狀矣。

第六章

衆巡警解宗德至局。以夜深，故局長諭明日審訊。衆巡警以巨繩繫宗德於黑室。楊六亦尋去。少頃，全局俱入黑甜鄉。宗德處黑室中，思其妻及阿珠，不置垂淚。至於天明。

翌日十二時，局長始坐皋比。衆巡警於黑室中解宗德之縛，擁之至前。叱之跪。宗德伏地而泣。楊六亦尋至，立於宗德之側。局長詢宗德姓名，訖卽拍案指宗德而詈曰：爾何故作賊？宗德曰：小人乃有下情，訴之大人前。局長曰：爾尙欲狡辯耶？爾已作賊，賊證具在。巡警於是又以洋娃進置案側，蓋昨日奪之楊六手中者。楊六遽呼曰：是洋娃。



誠。小。店。之。物。望。大。人。發。還。局。長。斥。曰。勿。聲。楊。六。不。敢。再。作。一。語。惟。恨。然。視。宗。德。宗。德。叩。首。於。地。曰。小。人。無。狀。誠。盜。彼。店。物。但。小。人。所。盜。不。過。一。洋。娃。玩。具。耳。小。人。初。意。原。非。盜。此。物。易。錢。實。因。小。人。有。女。病。中。思。此。物。甚。小。人。懷。錢。購。之。彼。店。錢。少。價。昂。店。主。人。復。不。相。讓。小。人。跪。求。之。願。後。日。足。其。值。店。主。人。仍。不。可。小。人。一。時。愚。昧。遂。竊。之。而。去。然。去。時。乃。貽。彼。一。千。餘。文。彼。事。後。當。知。之。小。人。自。知。罪。戾。日。來。節。衣。縮。食。蓄。有。餘。錢。意。卽。在。償。彼。原。值。之。不。足。不。圖。積。蓄。未。滿。小。人。已。投。羅。網。尙。祈。大。人。憐。而。恕。之。小。人。仍。願。償。彼。錢。也。此。數。言。委。婉。可。聽。局。長。微。點。其。首。暫。不。置。答。遽。詢。楊。六。曰。何。某。言。曾。貽。爾。以。錢。當。時。爾。胡。不。報。之。局。楊。六。驟。聞。是。語。張。皇。應。曰。殆。忘。之。繼。又。曰。彼。實。未。貽。錢。去。

也。宗德曰：願先生仰體天心，勿作僞語。且先生富人，何必隱小人之錢。楊六初不承，局長怒斥之曰：爾初曰忘之，既又不承，是中明明有僞。楊六愧懼無地，曰：如宗德言，其數一千五百耳。然已隱其五百。局長旋又視案上之洋娃，似所值無幾，復問宗德曰：爾尙需此物否。宗德曰：小人有女，需此。局長曰：茲命爾再以五百文償楊六了此物。價。宗德曰：固所願也。適衣底尙有餘資，卽當堂數五百文與楊六。其中有一沙板之幣，楊六力爭勿受。局長又叱之。楊六默然。局長又曰：物價雖了，然爾之竊罪終不可追。宗德伏地求恩。楊六曰：明明竊物，焉得無罪。局長又叱之，仍以和顏視。宗德曰：不告而取，雖貽錢而去，迹終近竊。茲從寬辦理，判以輕禁錮一月。言畢，卽拂衣下堂去。宗德

知無可挽救。惟嗚咽而泣。泣時隔鄰王先生及其妻來矣。聞宗德將受一月之禁錮。相視慘然。宗德謝王先生並囑其妻速返善理家務。勿苦阿珠。茲洋娃仍屬我物。已給足其值。非竊來者矣。可供阿珠恣弄之。予一月後見爾母女矣。時楊六仍在側。各巡警均不直之。微語曰。使楊六早以宗德曾以貽錢而去見告者。此事至易和解。雖然何某亦太老實。早自首者亦無事矣。宗德之妻聞言已知大概。戟指楊六而詈。宗德止之。楊六抱頭竄去。心中念彼雪茄烟精美。日記簿白絲巾不已。殆謂我曾供獻若干值錢之物。其結果若此。良負我也。

楊六去矣。王先生及何文氏亦泣別而去。宗德遂入拘留所。別其妻時。惟以未見阿珠爲憾。然爲父作賊犯罪。又何可使兒女見之。阿珠

不來亦得也。毅然入黑獄。以度一月中。黑獄黯淡之光陰。巡警局拘留所。非獄也。以非獄故。建築極簡樸。乃不如獄之因。敝幸所拘者。皆犯細行之人。尙不擁擠。所吏黃道明。實司其啟閉之役。黃老矣。爲年及六十。無家室。妻子惟餘一孫。名阿奇。剛九歲耳。依其祖亦居獄。祖司啟閉。孫則持燈執鑰。飯熟時。又代其祖分飯於各囚。囚均喜之。恆與語。是問拘囚無過三月以上者。囚雖無多。然往來更易。阿奇見囚。乃日多。今日遂又得見其未來之岳丈何宗德矣。宗德入獄時。獄中適無人。滿之患。黃吏偕孫引之入。一獨居之室。反鑰之而去。每日三次進餐。悉阿奇捧之而進。惟司鑰者黃吏耳。獄例日中許囚出室。吸空氣。游行於草地。約十五分鐘。過其時。則趣囚入。



一。小。工。廠。教。囚。以。機。器。織。襪。約。三。小。時。又。趣。囚。入。所。居。之。室。閉。之。勿。許。再。出。阿。奇。每。見。宗。德。卽。謂。其。祖。曰。予。實。未。見。囚。可。親。愛。如。彼。者。以。故。恆。與。宗。德。語。詢。宗。德。何。罪。至。此。其。實。此。亦。尋。常。之。問。答。蓋。阿。奇。見。囚。多。恆。問。新。囚。之。罪。名。而。默。記。之。也。宗。德。見。問。乃。觸。起。彼。愛。女。之。心。其。實。見。他。人。之。兒。女。卽。念。及。自。己。之。兒。女。亦。人。之。恆。情。況。宗。德。以。愛。女。之。故。下。獄。而。愛。女。之。念。勿。少。衰。且。因。在。獄。而。愈。思。女。今。得。一。髻。齡。之。童。子。殷。殷。來。問。又。焉。得。不。言。蓋。人。心。有。所。苦。每。傾。言。之。以。爲。快。也。故。宗。德。遂。允。於。吸。空。氣。之。時。以。狀。告。阿。奇。

第七章

一。日。宗。德。與。阿。奇。並。坐。於。牆。隅。蓋。其。時。乃。正。在。吸。空。氣。之。時。矣。阿。奇。


曰爾允我者當速言之。宗德曰：孺子聽之。予有女名阿珠，年七歲耳。阿奇曰：較予爲小。宗德曰：其可愛亦如爾。阿奇曰：予有何可愛之？有可愛者，惟女童耳。外史氏曰：奇哉！阿奇乃亦知女童之可愛。宗德曰：此可愛之女童，一日病矣。阿奇曰：爲父者當善撫之。宗德曰：吾女乃思得一洋娃玩具爲戲。阿奇曰：是當購而授之，勿拂其欲，以益其悲。苦。宗德曰：彼店主人乃索巨值。阿奇曰：狠哉！此奴以小手向空而揮，似毆之也。宗德曰：予錢少，無以應。遂竊洋娃而去。阿奇曰：此女童得洋娃，其病當愈，其嬌容當益可愛矣。宗德微嘆曰：然，予乃坐此下獄，爲法律所不容，爲社會所唾罵。阿奇恐其過哀，急沮之曰：予實愛爾之善撫其女也。然則爾居獄中，抑思爾女乎？爾女驟失其父，必在家。

哀。痛。或。將。復。病。亦。正。難。料。爾。近。曾。見。爾。女。乎。宗。德。曰。予。焉。不。思。予。女。者。前。日。予。妻。來。視。予。隔。窗。與。語。五。分。鐘。卽。別。去。妻。言。阿。珠。頗。思。父。日。夕。恆。不。歡。欲。抱。之。來。予。沮。之。良。不。忍。使。此。天。真。之。女。童。來。覩。此。黑。暗。之。慘。象。阿。奇。聞。言。心。亦。弗。懌。然。時。已。逾。十。五。分。矣。其。祖。來。促。宗。德。返。室。阿。奇。亦。匆。匆。他。去。

阿。奇。自。思。所。閱。囚。多。矣。獨。此。囚。大。奇。乃。因。愛。其。女。而。蹈。法。網。此。囚。可。憐。此。女。童。尤。可。憫。也。於。是。或。行。或。坐。或。立。或。臥。均。苦。念。此。女。童。不。已。似。與。彼。有。重。要。關。係。者。思。欲。問。其。近。况。安。否。以。自。慰。繼。念。此。事。乃。與。己。無。干。胡。乃。念。念。不。忘。如。此。繼。又。念。此。囚。之。愛。女。亦。猶。吾。祖。之。愛。我。我。苟。一。日。不。見。吾。祖。或。吾。祖。因。我。事。而。亦。被。譴。者。我。必。終。日。悲。啼。然。

則此女近日亦當淒涼憔悴矣。於是思一往省之。歸來並以其狀告囚。囚必大喜。寧非佳事耶。計定乘夕膳之時入室。詢宗德寓何處。宗德告之。莫明其意。然亦不置疑。

是夕阿奇睡眠頗不適。竊思明日當如何往其家。見其女。又當作何語。彼得無驚駭否。事後祖父覺察。相責否。倦思成夢。乃夢見祖父與囚指一小女郎。向已曰。此囚之女。而汝之妻也。羞極而醒。醒後又竊思彼囚女。胡乃爲我妻。人娶妻。又胡爲久不得其故。亦昏然睡去。黎明披衣起。送晨餐入宗德之室。又詳詢其住址。以防有舛誤。遂不告其祖父。取平日所用舊之玩具。如木馬。紙槍。幼童恩物。以巨巾包之。持往爛泥巷。以尋囚人之女。及至門。乃又逡巡。不敢進。心口相商。自




怨其唐突。忽室內有女童聲。遂附門竊耳而聽。聞一女童吐音至嬌。曰。媽媽今日如往爸爸處者。乞攜兒往。又聞一婦人之聲曰。彼問爾不宜去。女童又曰。然則何日始見爸爸。爸爸歸者。我思我爸爸切也。其下乃繼以吁唏之聲。阿奇此時不能再忍矣。遂推門入。

何文氏自內室奔出。見阿奇已入。卽問曰。爾誰家子。來此何爲。阿奇曰。敬告孀孀。予乃願見小姑娘阿珠也。至於我之來處。卽彼阿珠之父所居地也。何文氏見此童善於應對。又自其夫所來不禁生其愛念。爲之微笑。卽牽阿奇之手曰。小小年紀。乃聰秀如此。且爲阿珠之父。作使者。何修而得此耶。言已。已牽入內室。

阿珠睡牀上。似又病。見其母攜一男孩至。頗驚喜。正欲問母。此爲何

人謂阿奇乃先呼彼爲妹妹阿奇呼後亦自羞慙其下乃不能再繼以詞殆一鼓作氣而卽衰矣阿珠不知所應其母笑曰此二人乃眞同親生之姊妹阿珠爾詎不呼哥哥阿珠年雖穉然知羞乃同阿奇乃不允呼惟吃吃而笑阿奇神定自詡其年長當勉作大人氣概勿貽彼女郎笑遂莊重而言曰妹妹此乃第二次呼妹妹矣但此次之呼至爲怡然其下且繼以詞曰予聞妹妹之父言妹妹至惹人憐愛妹妹之父今方有事未能來乃託予來伴妹妹遊戲妹妹須知妹妹之父卽我之伯伯也我今日攜有許多玩具在此妹妹盍一視之我年漸大近不需此妹妹如中意者留下可也此一段說辭中嵌入妹妹字樣甚多何文氏聽之歎爲婉轉和靄得未曾有卽彼善於忸怩



之。阿。珠。亦。不。禁。迴。眸。一。笑。繼。思。及。其。父。忽。問。其。母。曰。爸。爸。胡。不。隨。彼。來。阿。奇。曰。妹。妹。勿。憂。行。將。歸。矣。卽。解。其。手。中。之。包。盡。陳。木。馬。紙。槍。於。阿。珠。之。前。曰。妹。妹。且。弄。此。彼。洋。娃。何。在。耶。阿。珠。曰。在。櫃。內。予。近。日。已。厭。玩。彼。矣。外。史。氏。曰。傷。心。哉。阿。爺。千。辛。萬。苦。取。洋。娃。來。媚。其。女。其。女。且。久。而。生。厭。也。雖。然。阿。珠。非。不。知。感。父。者。良。以。愛。父。故。見。此。洋。娃。乃。愈。思。父。父。不。可。見。玩。弄。洋。娃。又。何。樂。不。如。藏。之。勿。面。也。阿。奇。又。曰。彼。洋。娃。乃。外。國。貨。予。之。玩。具。悉。中。國。製。予。聞。之。人。言。人。當。愛。國。玩。物。尤。須。玩。本。國。之。貨。妹。妹。不。玩。洋。娃。可。取。也。外。史。氏。又。曰。狡。哉。阿。奇。乃。能。以。甘。言。媚。女。郎。

第八章

阿奇伴阿珠約三小時。阿珠已漸與之昵。惟尙未允呼之爲哥。對其母則笑指阿奇曰。他其下似云。他亦可愛也。阿奇乘間並與何文氏言宗德近狀。並自陳其身世。何文氏感之。次骨謂如此。髫齡卽知積福前途。將不可量。阿奇受嘉獎亦頗自負。阿珠見其母嘉獎阿奇。亦宣其情緒云。阿奇誠大好人。阿奇受寵而喜。連呼好妹妹。妹不絕。外史氏曰。曾幾何時。妹妹進級博得好字頭銜矣。

日將午。阿奇辭欲行。阿珠似不可。阿奇再辭始得行。何文氏託囑阿奇爲彼以善言報宗德。藉安其心。阿珠忽發奇想云。欲隨阿奇去。省父。阿奇笑止之。外史氏又曰。阿珠終有一日隨阿奇去。不過此時尙早耳。阿奇遂行。阿珠呼母抱之。送於門側。及阿奇出門已數武。忽失。

聲呼曰哥哥……見我父爲我問父親安否阿奇驟得阿珠竟呼之曰哥哥狂喜急駐其足回首笑向阿珠曰妹妹放心予知之矣阿珠思其父切神魂似已緊隨阿奇之足跟往獄中去適才失聲而呼哥哥殆已自忘其惡矣美哉

阿奇返獄其祖問以何往漫應之祖亦未究至夕送夜膳入宗德房乃告宗德曰予今日得見爾女阿珠矣彼呼我爲哥哥我呼彼爲妹妹也外史氏又曰阿奇不自慙哉呼千百聲妹妹僅博得一聲哥哥且以炫人是何故乎然宗德亦大喜詳詢以狀阿奇以妙舌詳細道之時使宗德瞿然喜又時使宗德勃然憂然憂也喜也其中悉含有至濃厚之味如遠客聞鄉人道故園風景乃百聽不厭阿奇言訖宗

德喜極力抱阿奇於懷。阿奇曰：速用膳，予欲去矣。宗德始釋之去。然自此阿奇每見宗德，輒談彼家中事，以博宗德歡。

又二日，王先生來視宗德。阿奇旁伺，聞王先生語阿珠，思父忽大病。故何文氏不克來，託彼走告宗德，憂形於色。除謝王先生外，殆無他語。蓋宗德之心又碎矣。王先生旋亦去。

阿奇暫不面宗德，退而自思：彼女郎誠足憐愛，草草一見，腦筋中已留此可愛女郎之面影。日有思，思此女；夜有夢，亦夢此女。乃自又莫明其所以。外史氏曰：此焉足怪者？男女之愛出於天性，髫齡思伴，此愛尤真，不雜異念，至可寶也。雖然，女郎病矣。日前臨行時，秋波一轉，哥哥之聲因而迸出，盡其嬌憨之致。此情此景，胡可輕忘？然不出數

日此嬌憨者驟病爲彼哥哥者其心詎能釋然思之思之宛見阿珠如在眼底而嬌啼婉轉面龐消瘦乃極使人驚歎也於是阿奇發揮其破天荒之愛情思一盡其作哥哥者之責任再臨何宅一視妹妹之疾藉以答其哥哥我之深恩。

閱者記之此日乃爲阿奇阿珠第二次會晤之期阿奇不告其祖復不商之宗德又步行至宗德宅見阿珠其實阿奇思見阿珠者自初次別後至於今日其間四十八小時固無一時不思也今日再見理當欣喜然今乃含看病之性質而來於心終不暢然小孩子家究有稚氣當半途自忖未嘗不代阿珠悚懼且時時腦海中呈出阿珠臥病呻吟之幻景既見面之後則依然喜多悲少阿珠亦不再羞慙直

呼阿奇曰哥哥並詢其何以數日不至阿奇曰予亦孩提詎能日日背祖父來視妹妹今聞妹妹病故來耳妹妹何病當告予阿珠曰予無病予惟思爸爸耳嗟乎哥哥乎我爸爸胡又不歸言訖嬌喘不已繼之以泣阿奇聞聲慘然卽曰妹妹勿爾伯伯行自歸也

是日阿奇又伴阿珠約二三小時教阿珠以郎呀郎姐呀姐之山歌又講解童話數則笑話數則博阿珠笑阿珠睡而聽之每聽至得意處精神全注阿奇之面以手執阿奇手弗釋阿奇亦樂遂亦增其講解之興趣何文氏見而歎曰此一對小偶那不使人愛煞耶

日又及午阿奇又欲辭去阿珠意良弗捨仍堅執阿奇之手舉其首啟其目凝視阿奇頰上紅雲陡起脈脈弗言嗟乎愛芽長矣阿奇又

何。以。當。之。乃。誑。之。曰。予。將。往。迎。爾。父。此。一。喝。阿。珠。乃。仍。爲。孝。女。之。身。
立。允。阿。奇。行。又。呼。其。母。來。抱。之。送。哥。哥。臨。行。時。又。曾。高。呼。哥。哥。速。偕。
爸。爸。返。阿。奇。又。回。首。鄭。重。言。曰。予。必。迎。伯。伯。歸。外。間。風。大。嬸。嬸。抱。妹。
妹。速。入。室。也。

予。必。迎。伯。伯。歸。一。語。阿。奇。非。戲。言。也。蓋。與。阿。珠。細。語。時。偶。顧。阿。珠。已。
消。瘦。十。分。幼。年。性。善。心。大。不。忍。卽。已。暗。籌。慰。之。之。道。然。唱。歌。也。談。古。
也。亦。只。能。慰。片。刻。耳。欲。其。無。病。非。其。父。平。安。歸。來。不。可。然。父。一。時。又。
焉。可。歸。者。思。至。此。斗。念。我。祖。司。啟。閉。之。役。如。祖。允。縱。之。者。其。事。諧。矣。
故。匆。匆。別。去。思。有。以。哀。其。祖。自。恃。其。祖。愛。我。一。請。立。應。將。來。其。父。歸。
時。阿。珠。見。之。而。樂。病。乃。如。失。詎。非。大。佳。事。耶。

第九章

及阿奇之歸而見其祖父也。本欲代囚。陳請詎覩面後。凡中途所搆。思之甘言苦語。乃吃吃不能道。似齒牙作梗。乃爲言語作屏藩。格之勿許。吐一字出也。阿奇乃大窘。後愈思愈以爲不可言。遂自行撤回。原議。

及夕。又送膳入。宗德室。顧見宗德。又不能不以日間事告之。遂語宗德曰。予今日又見阿珠也。宗德狂喜曰。予至感爾。今日又往視阿珠之疾。雖然。阿珠之病。奚若阿奇。遂歷述病象。宗德聞言。淚下三百斛矣。

宗德哭。阿奇愈不自安。蓋宗德與阿珠之苦。均非彼所願見。見宗德。

哭。乃。愈。思。阿。珠。遂。別。宗。德。出。退。坐。屋。隅。自。思。適。才。之。取。消。原。議。不。特。失。信。於。人。且。非。作。哥。哥。者。之。道。天。下。豈。有。幸。而。作。阿。珠。哥。哥。者。之。人。而。忍。欺。之。誑。之。任。其。苦。病。而。不。思。有。以。慰。之。乎。是。則。終。仍。必。縱。宗。德。欲。縱。宗。德。又。非。尋。常。之。事。從。未。見。祖。父。爲。此。何。敢。冒。昧。以。請。然。則。我。遂。措。手。無。計。乎。久。之。決。一。計。此。計。乃。大。冒。險。殆。欲。竊。祖。父。之。鎖。匙。而。私。縱。宗。德。也。


計。既。定。遂。籌。竊。匙。之。法。往。日。恆。見。祖。父。以。匙。置。枕。底。於。臥。時。抽。之。出。此。事。良。易。明。日。之。晨。持。匙。啟。鑰。縱。宗。德。出。使。亟。往。家。惟。此。事。究。有。何。禍。福。不。得。知。惟。當。囑。宗。德。日。中。仍。歸。耳。其。實。囚。往。復。歸。亦。不。妨。獄。事。也。阿。奇。之。見。如。此。而。是。夕。阿。奇。果。竊。得。鑰。匙。一。具。

翌日晨雞初唱阿奇私啟宗德之室縱身入搖宗德使醒宗德正作好夢與妻女敍首醒而大驚問阿奇起胡早來此何欲阿奇曰低爾聲予將縱爾歸視女疾俾阿珠少欣慰或可以稍解其苦宗德曰是不可是必累及爾祖阿奇曰予思之熟矣請爾於日中速歸可耳予當勿告祖知言訖卽促宗德行宗德感激涕零撫阿奇之額曰仁慈哉子也予何以報子阿奇曰此亦無甚奇但得阿珠許我爲其哥哥斯足矣宗德曰予一家人均感爾詎止小女且予日中必返良不忍以此累爾祖也阿奇頷首促之速行宗德遂躡足出室阿奇再鑰之並代宗德張望竟使宗德逸去未爲人見

恆例囚人進早膳在八句時黃吏持巨桶二一以盛飯一以盛木碗

及菜。歷經各囚室門。啟其鑰。阿奇爲分其食。並持碗進。黃不入室也。故阿奇以爲可混耳目。詎知是日阿奇以起牀過早。送宗德行後。倒牀復又睡去。至八時早膳已齊。其祖本應呼之同往散食於囚。呼不應。其祖亦不忍再呼。遂獨自去。嗟夫禍事乃作矣。


黃吏既啟宗德之門。呼宗德進膳。顧無人應。覓之不得。睜其昏花之老眼。細視之。仍不得不覺魂飛天外。倒地而呼曰。賊逸去矣。賊逸去矣。驚及他吏來視。乃牽黃吏起。黃吏跌足曰。宗德乃不知何往。此若何而後可狀。至驚惶。他吏曰。是當報之長官。適阿奇驚醒。奔出知事。已敗駭而不敢言。聞祖父欲報長官。急挽其手曰。不可。其祖怒叱之曰。小孩子家。爾何知者。然實未疑及彼阿奇。遂不敢再作聲。伏處屋



隅。嚶嚶而泣。自知此事非細。而招禍者。卽彼何以對其年近古稀之祖父。思極而懼。屢欲自承其戾。然終不敢。遂任彼祖報上官去。

局長聞囚逸獄。亦大駭。召黃吏前痛詈之。曰。爾老而昏瞶。奈何乃使囚得逸。上峯知之。將獲。重譴其正言厲色之狀。殆同嚴父之對其稚子。而此老邁之吏。此時亦駭汗無地。直同小兒俯帖受詈。不敢置詞。局長又曰。是中或有他故。當盡拘所中人。至於是。巡警又拘多人。至其中有阿奇。有小厮。有燒飯之火。夫局長殆將一一鞠之。冀得縱囚之人。阿奇知禍事已不可收拾。見其祖可憐之狀。心大痛。毅然上前。曰。囚予縱之也。

局長聞斯語。拍案驚起。謂其部僚曰。此誰家子。得無狂。嚶黃吏亦如。



喪其魂魄。長嘆而言曰：此子孫也。彼乃陷，乃祖於罪。局長指阿奇曰：爾縱囚，確耶？阿奇曰：然。局長曰：爾何故縱囚？阿奇曰：囚有女，思囚而病。予縱囚，返慰其女也。局長笑曰：癡孩子，膽大，乃不稱其體。旁觀之吏亦微語曰：此子自承其祖之罪，益不可幸免傷哉。黃老乃產此孽孫阿奇，哭曰：勿苦我祖有罪，我自承之可也。且囚於日中，必歸，勿擾。擾如此，局長及他吏均大笑，謂此子乃癡呆。若此，豈有囚逸而仍可望其歸者？是必爲囚。甘言所愚小子，無知罪仍在囚，乃將派警再往爛泥巷捕此逸囚。正喧嚷間，忽又有他警來報曰：囚已歸矣。及於門次，巡警見而捕之。乞局長定奪。局長及他警連呼怪事。阿奇笑曰：如何？予固言囚不失信也。黃吏惟長歎。局長神定，遂使人拘囚至親鞫。

之。

第十章

予書。今乃請彼巡警局長及黃吏祖孫局中上下人等稍候些時。予且追敘宗德返家之狀況。此或亦閱者所願知也。先是宗德狂奔至家。沿途乃無一人覺察。及門。門尙未闢。狂拍之作響。何文氏急披衣起詢來者何人。宗德微應曰。我何文氏。駭然啟門。延入。驚問宗德曰。爾歸。胡早。宗德曰。予當先見子女。再以情告爾。遂奔入室。就牀中抱阿珠。阿珠斗醒。見抱己者。爲魂夢所思之慈父。狂喜。至於欲泣。呼爸爸。不已。何文氏曰。爾事了耶。不然。胡歸之速。宗德曰。事實未了。彼獄吏之孫。縱我歸耳。阿珠曰。好哥哥。哥哥真使人可愛也。外史氏曰。哥哥雖

亦博得妹妹加一好字。然此時哥哥乃未之聞。且正在局長室中備受恐懼矣。好妹妹其亦知之否。

何文氏曰：不圖此兒乃行方便如此。雖然越獄，又將有罪，其如之何。宗德曰：予允彼日中，卽返阿珠。駭然曰：爸爸，勿去，再請好哥哥爲爸爸設一法可耳。外史氏又曰：此則難乎其爲好哥哥矣。宗德曰：爾豈知此中深淺。予去後，他日又可來視爾也。阿珠曰：他日旣須再來，今日何如不去。宗德笑止之。另與彼道他事。至日將午時，宗德欲行，阿珠哭挽之，弗釋。何文氏亦慘然。宗德急曰：予今日不返，彼間不特貽害彼仁慈之祖孫，卽我亦難免越獄之罪。何文氏尙知理，乃代宗德抱住阿珠，囑之速逃。阿珠大哭，其聲至哀。宗德聞之，心如刀割，然終

毅然而去。至獄門。巡警見而捕之。是又宗德與阿奇初所未料者。宗德既至。局長前見黃吏祖孫。具在。知爲己受累。慚懼萬狀。局長曰。何宗德爾。是否愚彼黃吏之孫。使縱爾逸。宗德曰。小人未敢也。雖然。小人實感阿奇彼純出於一念之仁慈。乃縱我歸家。視其病女。局長曰。爾去而復返。何也。宗德曰。予並非圖逸。不過思一視病女耳。受人深恩。愧不能報。奈何。乃尙累之。故小人去而必返也。局長曰。此子奇。此囚亦奇。均義士也。宗德汝入所幾何時矣。宗德曰。半月耳。局長曰。爾罪本可原。恕今逸而復返。自可嘉。尙予施恩。減輕爾罪。今日爾仍歸家可耳。爾禁錮之日期。雖定一月。今已及半。予爲爾減免之。宗德喜出望外。伏地拜謝。局長又指黃吏曰。爾孫少年如此。將來必成大。

器。予。實。有。厚。望。惟。縱。囚。使。逸。於。律。不。合。爾。老。矣。亦。不。堪。任。此。煩。重。之。職。予。今。解。爾。職。爾。無。怨。予。爾。有。此。孫。將。來。爾。不。愁。無。靠。也。宗。德。跪。求。曰。大。人。恕。小。人。之。罪。小。人。知。感。大。人。解。黃。吏。之。職。小。人。殊。無。以。對。此。恩。人。今。惟。叩。求。大。人。仍。置。小。人。於。獄。無。罰。黃。吏。黃。曰。此。何。可。者。予。老。矣。實。不。堪。任。此。煩。劇。欲。辭。職。者。已。久。今。得。飄。然。而。去。予。之。願。也。局。長。曰。如。是。誠。善。判。定。矣。遂。拂。衣。去。


宗。德。見。事。已。無。可。挽。回。乃。跪。黃。吏。前。拜。謝。之。黃。吏。急。牽。之。起。曰。予。久。欲。棄。是。間。去。望。勿。介。介。此。後。藉。彼。輩。小。孩。子。之。力。爲。吾。等。聯。其。感。情。吾。甚。願。與。爾。有。血。性。之。男。子。爲。友。也。宗。德。曰。然。則。老。人。將。何。之。黃。曰。暫。攜。此。間。行。具。出。再。作。他。論。宗。德。曰。老。人。如。不。以。猥。瑣。見。棄。者。予。竊。

願與老人共居。予率妻女當事。老人惟謹視若家人。尊若父。執老人以爲何若。阿奇曰：此大佳事。予乃得與妹妹共起居。黃曰：亦善。亦善。但擾爾予心不安耳。宗德曰：請老人勿再作此謙抑之辭。於是遂隨老人。仍入所中。爲老人檢行具。阿奇復至各囚所。一一與囚別。囚感其義。有下淚者。局中人亦多來送。老人局長遣僕送來青蚨二元。贈阿奇作學費。老人一一謝而後受。遂攜愛孫別此黑暗世界。隨宗德入彼家。

阿珠自宗德行後。啜泣可半句時。始止。何文氏力撫慰之。使眠。然已亦傷心。亦不知陪阿珠下淚幾許矣。至夕。何文氏移桌於牀側。置膳其上。促阿珠起坐牀。沿用膳。已坐於側。伴之。忽門闢。阿奇縱身入阿

珠見之大呼哥哥來矣何文氏曰爾來何晏阿奇笑點其首突又有
一人進阿珠狂喜而呼曰爸爸亦歸矣阿奇曰詎獨爾爸爸吾祖父
亦來矣言訖老人亦進視阿珠而笑何文氏亦莫明其所以失聲呼
曰今日事乃愈出愈奇特宗德指何文氏向老人言曰此爲予妻復
指阿珠曰此爲予女阿珠爾詎不呼公公老人面帶慈祥之色前撫
阿珠之額曰聰秀乃爾無怪爾父愛爾阿奇聞祖贊美阿珠心大喜
遽呼曰妹妹固能博人愛者何文氏見狀懷疑不敢問宗德知旨詳
以告之阿珠聞而竊竊笑阿奇且逗阿珠且爲祖拳其背謂祖今日
行路應倦矣

是夕宗德與老人計議謂此屋狹隘明日當遷居遷居後將爲老人




闢一精室老人則謂予尙有積蓄數十千託子經營微小之生業阿奇與阿珠均使就學議定明日遂遷其居阿奇阿珠日夕相隨乃大歡喜其中尤以阿珠爲最樂蓋得父又得哥哥也此後阿珠直呼阿奇爲哥哥不少惡有時樂極且呼之曰好哥哥阿奇聞此美稱如膺九錫宗德素勤得老人資大擴其負販糖菓之生業且設爲小肆就門前經營生紀何文氏主中饋亦勤老人無事則散步於外或高坐肆中助宗德應其煩劇月所入亦足敷家人之用宗德初尙謙抑以爲乃耗老人之資繼相處久亦漸安之如一家人無分彼此

第十一章

黃老復命阿奇與阿珠均入小學校讀書且男女合校阿奇阿珠相


將入學。朝往晚歸。讀書甚樂。學校中教習恆稱其慧。每攜手行街衢。中識者均獎羨之。同學生恆竊語此兄妹乃同夫婦也。阿奇聞之頗自喜。阿珠則稍懷羞耳。

逾年教育界有倡議復小學生男女異校之制者。阿珠遂入女校。讀阿奇心大痛。阿珠亦然。尤畏入彼新校。阿奇乃婉慰之。自是二人相敘。惟在晨昏及星期日。每夕各自校歸。互傳觀其教科。阿珠有時且問疑義於阿奇。阿奇必詳細告之。星期日則相將游公園。有時且從老人出往觀劇。至修業之期。二人又各視其成績。繼見成績均佳。則互相告慰。其中尤以阿奇爲最勤勉。蓋深恐成績不佳爲妹妹所笑也。



阿奇十二歲畢業於初等小學入高等是年阿珠亦年十歲矣仍在女子初等小學肄業除學問進步外乃又益增其嫵媚黃老尤喜之每放學歸恆代黃老理其賬目蓋宗德識字少此小肆之出入悉賴黃老爲簿記也今乃以阿珠襄助之

阿奇在學校一日信筆作一短文曰獄中人傳蓋是日攷國文課教習令諸生各自命題故阿奇以是文進文中卽歷述其九歲時縱囚故事而附之以許多之感慨教習大爲欣賞後坊賈刻學校國文菁華一書乃以是文編入適巡警廳長之子亦爲學生曾購一冊爲其父所見偶得是文知卽從前某局之事且相隔年月不久遂誌之於心一日偶召見某局長詢以是事局長仍前任之人也應答多揄揚



黃。吏。之。語。廳。長。大。感。動。適。新。辦。習。藝。所。需。辦。事。人。甚。多。遂。函。薦。黃。老。於。該。所。所。長。所。長。以。黃。老。成。練。達。畀。以。督。察。員。之。職。填。就。委。札。遣。人。送。至。黃。老。處。時。老。人。正。與。宗。德。夫。婦。阿。奇。阿。珠。用。夕。餐。驟。見。官。中。人。至。莫。不。驚。訝。阿。奇。頗。忼。爽。逕。前。問。來。使。來。使。出。委。札。問。誰。是。黃。先。生。老。人。應。曰。我。也。來。使。行。一。鞠。躬。禮。以。委。札。進。黃。老。視。之。乃。愈。駭。怪。以。爲。年。已。古。稀。久。未。與。世。酬。接。胡。乃。膺。此。奇。榮。得。無。有。同。姓。名。者。之。誤。耶。來。使。繼。又。出。一。小。簡。係。前。局。長。致。黃。老。者。備。述。近。事。且。道。歉。忱。並。促。其。擔。任。此。事。勿。辭。於。是。黃。老。始。恍。然。而。閤。家。歡。聲。作。矣。

宗。德。重。犒。來。者。阿。珠。聞。係。阿。奇。文。章。之。力。乃。盛。譽。阿。奇。阿。奇。亦。喜。以。此。舉。既。以。慰。老。人。且。以。得。阿。珠。之。稱。贊。也。宗。德。樂。極。囑。何。文。氏。備。酒。

賀老人何文氏歎曰前者官中人入吾室乃遘奇禍今官中人再來而奇福隨之以至禍福誠不易測哉宗德微點其首似亦棖觸前情也

第十二章

老人既入習藝所爲督察員月薪得三十金在老人及宗德視之殆富埒石崇矣宗德仍經理此小肆惟延一人爲助此人卽彼仗義偕何文氏至警局之王先生其助宗德爲理賬目而已老人月得資旣多卽用以擴張小肆宗德勤於事營業亦頗發達阿奇阿珠均得購新衣著之見者皆欣羨阿奇常往習藝所視祖父所中人耳其奇才義俠之名爭欲引彼爲小友廳長局長亦時召之往贈書籍文具甚

多歸以語宗德。宗德亦喜。謂爾藉貴人之力。青雲直上。可預料也。阿珠本不解。何者可貴。何者足欣喜。但人譽阿奇。則喜其喜也。不關於阿奇之奇遇。而在人之稱許。蓋猶是天真爛熳之心腸耳。然此中亦稍有缺憾。則老人獨居於所。而宗德家人有時思老人。乃寂寥不歡也。


又逾三年。阿奇畢業於高等小學。年且十六歲矣。長身玉立。儼然一翩翩佳公子。而學問之增進。乃尤非常人所及。見者恆驚歎佩服。然阿珠亦不弱。花月春風。年華十四。體態嬌小。其美乃出天然。此二人耳鬢厮磨。已非一朝一夕。阿奇年長矣。乘鸞跨鳳之念。不屬諸妹妹。而將誰屬。至阿珠女孩家。心事殊非尋常人所可測度。然愛阿奇而

且並無他愛斯又外史氏所敢唐突下斷語者
彼二人將來之結局在路人及旁觀者固早以神仙眷屬許之卽家
庭中黃何二老亦莫不默認此乃一對小偶外史氏心腸慈悲作此
小說原以道人間幸福之事亦絕不忍援好事多磨之義浪費筆墨
於此美滿姻緣橫加波折之痕跡以大煞風景而傷天下有情人之
心惟有一事確係關於世態人情上有萬不能免之一點乃不能不
敘明蓋宗德雖勞其心力經營小肆然資本固出自黃老苟以社會
階級言之黃資本家而何勞動者也勞動者胡敢與資本家議姻媿
之好況黃老乃何之恩人年來又賴彼以活縱兩姓願議婚而何終
有愧色尤恐人謂其高攀財主不惜貢其愛女故何始終未敢啟齒

而老人未言之故。則或因爲時尙早耳。且老人平時愛阿珠。乃甚於愛孫。常對人呼我家阿珠。此又可見早以孫媳視阿珠矣。阿奇年事既長。解事日多。耿耿於心之一念。亦日思有所發洩。而直陳之以探阿珠之情緒。且日來彼此均以長成無復童狀相見。恆多羞慙。愈足以促阿奇求婚之舉。以安其徬徨之心。一日偶值阿珠於公園。趨與阿珠語。其初尙談他事。繼乃長歎曰。歲月催人。予與妹已長成。非復如幼稚時矣。此雖可賀。然亦可悲。賀者都已成年。而學問復長進。悲者予與妹從此不能常相敘首。無復有童年相伴之樂。人孰無情。誰能遣此。是以悲耳。阿珠聞言。慘然欲泣。繼絳顏言曰。予輩卽時時敘首。又焉不可者。阿奇曰。欲求常敘。自當有道。阿珠知旨。俯

首無語以手微拈其衣角爲狀至動人憐愛阿奇詎容見此乃直前執其手曰妹妹阿珠不拒阿奇遂得畢其求婚之詞阿珠報言亦至多縮之作一短語則曰予自初見爾時以至今日自孩提以至十五齡固無日不愛爾念爾欲適人者必不舍子而求其他阿奇大喜告以明日當稟祖父乞婚於妹妹之父

翌日黃老果爲阿奇運動至肆與宗德商於密室久之宗德出又商於其妻三人均有喜色阿奇阿珠知事已諧矣黃老乃立發表此婚約並延王先生爲媒人阿奇阿珠均竊喜然彼此覩面或見他人又面赤而含羞也再二年二人婚禮成極其繁盛黃老又於是時辭職養老歸賀者盈門警察廳長局長及習藝所所長均在座舉酒盈樽



以賀黃老其時乃又有一不速之客卽彼洋貨店之楊六以近來國貨暢銷販外貨乃耗其資宗德時又設一極大之國貨公司故楊六來阿附耳宗德亦善視之其後黃老至九十歲始作古宗德哭之甚哀蓋感恩也阿奇夫婦平日至和洽從未勃谿一次產男子女子各一爲社會中之至有幸福者箸者疎於筆墨於全書收煞時斗觸起一事不勝抱歉又恐珠姑娘怒我輕其丈夫下筆時無分童時壯年悉呼其夫之小字誠屬無禮故尤不得不特爲表出珠姑娘夫壻之大名其實此名亦至平淡蓋僅除卻一阿字乃單名曰黃奇也

奇童縱囚記

九四

奇童縱囚記終

民國六年九月印刷
民國六年九月發行

(奇童縱囚記)全一冊

定價銀二角五分



著者

何海鳴

校訂者

董哲薌

發行者

中華書局

印刷者

中華書局

印刷所

中華書局

上海靜安寺路一九二號

總發行所

上海福州路轉角

中華書局

分發行所

北京天津奉天廣州長沙開封溫州長春
漢口南昌南京杭州濟南保定武昌太原
常德福州成都重慶雲南徐州西安汕頭
香港蘭州衡州貴陽吉林潮州安慶梧州
東昌廈門蘭谿邢台綏化煙台蘇州梧州
石家莊黑龍江張家口哈爾濱新加坡

中華書局

(一七三六)

